



首都師範大學中國書法文化研究院 編纂

歐陽中石 主編

文津閣四庫全書  
書畫藝術文獻匯編

第四十九冊



商務印書館

# 本冊書目

---

御定歷代題畫詩類(二) 三十一卷至七十三卷

清・陳邦彥

一

欽定四庫全書

御定歷代題畫詩類卷三十一目錄

古蹟類

桃源圖 唐韓愈

和桃源圖 宋王十朋

題桃源圖 宋魏了翁

題桃源圖後 元王惲

跋武陵圖 元王惲

欽定四庫全書

御定歷代題畫詩類  
卷三十一目錄

桃源圖 元王惲三首

題桃源圖 元錢選

題桃源圖 元趙孟頫

畫桃源 元趙孟頫

題商德符學士桃源春曉圖 元趙孟頫

題桃源春曉圖 元吳澄

題桃源圖 元揭傒斯

桃源圖 元黃潛

桃源圖 元傅若金

阮子華所藏桃源圖 元成廷珪

桃源圖 元吳師道

桃源圖 元周權二首

桃源圖 元華幼武

桃源圖 元唐肅

題桃源圖 元丁鶴年

題桃源春曉圖 明張以寧

欽定四庫全書

御定歷代題畫詩類  
卷三十一目錄

張繼善寄桃源圖因賦詩 明貝瓊

題桃源圖 明林壁

桃源圖 明孫一元

桃源圖歌 明何景明

桃源圖 明謝承舉

桃源圖 明文嘉

題桃源圖 明朱彥昌

題桃源圖 明沈周

題小桃源圖 明王世貞

桃花山水圖 元納新

題劉松年桃花山水小幅 明僧麟洲

題徐叅議赤壁圖 宋王炎

赤壁風月笛圖 金李純甫

題武元直赤壁圖 金李昱

赤壁圖 元元好問

後賦赤壁圖 元劉因

欽定四庫全書

御定歷代題畫詩類  
卷三十一 目錄

題赤壁圖 元戴表元

東坡赤壁圖 元王惲

畫赤壁 元趙孟頫

赤壁圖 元馬祖常

赤壁圖 元虞集

赤壁圖 元楊載

題赤壁圖 元成廷珪

赤壁圖 元吳師道

將赤壁圖 元吳師道

題赤壁圖 元王瓚

題赤壁圖 元丁鶴年

題赤壁圖 元吳寬

題戴文進赤壁圖 明陳輝

赤壁圖 明廖道南

題畫小赤壁圖 明董其昌

欽定四庫全書

御定歷代題畫詩類  
卷三十一 目錄

欽定四庫全書

御定歷代題畫詩類卷三十一

古蹟類

桃源圖

唐韓愈

神仙有無何眇芒

一作渺茫

桃源之說誠荒唐流水盤迴三

百轉生綃數幅垂中堂武陵太守好事者題封遠寄南

宮下南宮先生欣得之波濤入筆驅文辭文工畫妙各

臻極異境恍惚移於斯架巖鑿谷開宮室接屋連墻千

欽定四庫全書

御定歷代題畫詩類  
卷三十一

萬日羸顛劉蹶了不聞地坼天分非所恤種桃處處唯

開花川原近遠

一作遠近

烝紅霞初來猶自念鄉邑歲久此

地還成家漁舟之子來何所物色相猜更問語大蛟中

斷喪前王羣馬南渡開新主聽終辭絕共悽然自說經

今六百年當時萬事皆眼見不知幾許猶流傳爭持酒

食來相饋禮數不同罇俎異月明伴宿玉堂空骨冷魂

清無夢寐夜半金雞鳴嘶鳴火輪飛出客心驚人間有

累不可住依然離別難為情船開權進一迴顧萬里蒼

蒼烟水暮世俗寧知偽與真至今傳者武陵人

和桃源圖

有序

宋王十朋

世有書畫桃源者皆以為仙也故退之桃源圖詩

詆其說為妄及觀陶淵明所作桃花源誌乃謂

先世避秦至此則知漁人所遇乃其子孫非入

山者能長生不死與劉阮天台之事異焉東

坡和陶詩嘗序而辨之矣故余按陶誌以和韓詩

聊証世俗之謬云

欽定四庫全書

御定歷代題畫詩類  
卷三十一

羸秦斬新開混茫傲睨前古無虞唐詩書為灰儒鬼哭

李斯秉筆中書堂長城丁壯無還者送徒更往驪山下

避世高人何所之出門永與家鄉辭入山唯恐不深遠

豈是得已巢於斯來時六合為秦室未省今為何歲日

吏不到門租不輸子長丁添更何恤春入山中挑自花

招邀飲侶傾流霞男耕女織自始嫁派別支分都幾家

誰泛漁舟迷處所山開淵闢聞人語乍相驚問卒相歡

設酒烹雞講賓主可憐秦事已茫然帝業初期萬萬年

猶道祖龍長在世豈知異姓早三傳鄰里殷勤爭餉饋  
人情與世無相異未異壺中別有天却訝身遊與夢寐  
山花亂眼鳥哀鳴數日留連喜復驚更從洞口尋鄉路  
逢人欲話疑非情異日扁舟欲重過水眩山迷紅日暮  
後來圖畫了非真作誌淵明乃晉人

題桃源圖

宋 魏了翁

伏勝高堂書已出竇公制尺樂猶傳魯生力破秦儀陋  
商皓終扶漢躬顛隱者寧無人禮義武陵匪獨我山川

欽定四庫全書

御定歷代題畫詩類  
卷三十一

若將此地為真有亂我彝倫六百年

題桃源圖後

有序

元 王惲

至元癸未夏五月二十日經畧史公邀余樓居燕語  
仍出示桃源古畫二大軸蓋佳筆也公因詢茲事有  
無其意果云何者明日賦此詩以呈

君侯示我桃源圖絹素剝裂丹青渝衣冠俎豆三代古  
髣髴物色開華胥當時傳記羨樂土存說本末何數腴  
半山歌咏似擬實昌黎論列疑其虛千年繪影見遺跡

桃源之境誠有無君不見淵明千古士心遠與世疎義  
皇而上每自況肯隨澤雉樊籠拘絃歌歸來朝市改故  
山田園松菊蕪斜川風景固足住未免結廬人境車馬  
時喧呼復讐宣力兩不可天運乃爾將無如遐觀高舉  
深意在安得超出物表冥鴻俱因緣開此武陵說托彼  
興隱稱樵漁不然果有繼問津雲烟出沒何須吏又不  
見山林不外天壤間迴與世隔皆仙居桃花流水窈然  
在放浪而即斯人徒放浪而即斯人徒

欽定四庫全書

御定歷代題畫詩類  
卷三十一

跋武陵圖

元 王惲

淵明高興托冥鴻流水桃花事本空好笑武陵狂太守  
謾回烟擢月明中

桃源圖

三首

元 王惲

淵明既號葛天民流水桃花到處春明見筆端閒寓興  
武陵休苦殫漁人  
東來連舸泛長湖兩鬢冰霜儘瘁癯偶值漁郎心已愧  
更堪三復武陵圖

溯西到處武陵溪乍涉幽深路便迷始信避秦元寓說  
淵明遺世厭羈栖

題桃源圖

元 錢 選

始信桃源隔幾秦後來無復問津人武陵不是花開晚  
流到人間却暮春

題桃源圖

元 趙孟頫

戰國方忘爭嬴秦復狂怒竟哉魚肉民死者不知數斯  
人逃空谷是殆天所恕山深無來逕林密絕歸路艱難

欽定四庫全書

御定歷代題畫詩類  
卷三十一

五

苟生活種蒔偶成趣西鄰與東舍雞犬自來去熙熙如  
上古無復當世慮安知捕魚即延緣至其處遙遙千載  
後緬想增慨慕即今生齒繁險絕悉開路山中無木客  
川上縻漁父雖懷隱者心桃園在何許况茲太平世竟  
舜方在御干戈久已戢老幼樂含哺田疇畢耕耨努力  
勤藝樹母為問迷津窮探事高舉

畫桃源

元 趙孟頫

桃源一去絕埃塵無復漁郎再問津想得耕田並鑿井

依然淳樸太平民

題商德符學士桃源春曉圖

元 趙孟頫

宿雲初散青山濕落紅繽紛溪水急桃花源裏得春多  
洞口春烟搖綠蘿綠蘿搖烟挂絕壁飛流淙下三千尺  
瑤草離離滿澗阿長松落落凌空碧雞鳴犬吠自成邨  
居人至老不相識瀛洲仙客知仙路點染丹青寄輕素  
何處有山如此圖移家欲向山中住

題桃源春曉圖

元 吳 澄

欽定四庫全書

御定歷代題畫詩類  
卷三十一

六

朦朧曉色破初春一洞桃花樹樹新此景世間真箇有  
只今去作捕魚人

題桃源圖

元 揭傒斯

桃源非一處龍虎畫難同內外關踰鐵高低石作叢黃  
旂青劍北紫蓋白雲東蟾影當霄迴蛾眉抱月弓千重  
藏曲折四面削虛空地戶迎風黑天池浴日紅雪霜翻  
賤瀑雷雨瀉崩洪暗識猿啼處晴聞鳥語工危龕三井  
秘絕澗九橋通江合仙巖怒山連鬼谷雄劉王開闢後

秦晉有無中時見看挑侶頻逢採藥翁丹臺寒漠漠琳  
宇氣熊熊濟勝非無具緣源恐莫窮烟霞俄變滅草樹  
杳龍蔥四序何勞誌羣愚倘擊蒙誰言武陵近十里上  
清宮

桃源圖

元 黃潛

山容慘慘將為雨雲氣垂垂欲傍花莫問前村何處覓  
垂蘿盤石即吾家

桃源圖

元 傅若金

欽定四庫全書

御定歷代題畫詩類  
卷三十一

聞說避秦地花間忘歲年偶逢漁父問長使世人傳立  
壺渾疑幻林廬或近仙至今圖畫裏惆悵武陵船

阮子華所藏桃源圖

元 成廷珪

桃源

一作花

流水似天台髣髴三生到此來玉杵玄霜無

處覓金堂玉

一作秘

室為誰開滄洲一夜生芳草陰洞千

年長綠苔何必誑人秦甲子漁人祇見兩三迴

桃源圖

元 吳師道

翠嶂清溪遠近春柴荆雞犬接比鄰花間酒熟身無事

便是桃源畫裏人

桃源圖

元 周權

蒼茫烟水隔塵凡源上霞蒸曲曲山一自漁郎歸去後  
武陵春色滿人間

桃源圖

元 周權

千重萬重蓮瓣山小天包在山中間神推鑿門石扇裂  
冷香迸出桃花灣漁郎尋春踏溪尾撞入桃花小天裏  
荒村人家無幾家五百年來孫換子不邑不城無憂鄉

欽定四庫全書

御定歷代題畫詩類  
卷三十一

駕雲為屋霞為牆丹雞叫烟挂巖冷白牛耕雨芝田香  
眼中驚見塵中客持酒爭來問鄉國鹿走荒山西復東  
龍渡長江南又北聽闌此語意猖狂月明假榻松間房  
明朝出山重回首山迷水亂雲茫茫武陵太守意未省  
强要尋源造靈境若是靈境長可通淳俗定變澆漓風

桃源圖

元 華幼武

流水桃花世外春漁郎曾得此通津當年只記秦猶在  
不道山河又屬人

桃源圖

元唐肅

大雞人物提秦餘千樹桃花護隱居不識三章新約法  
猶藏萬卷未燒書水通烟澗才容擢山暖晴窗可命車  
不是阿房三百里楚人一炬便成墟

題桃源圖

元丁鶴年

放舟長怪武陵人強覓桃花洞裏春若使仙源通一線  
如何避得虎狼秦

題桃源春曉圖

明張以寧

欽定四庫全書

御定歷代題畫詩類  
卷三十一

溪上桃花無數開花間春水綠於苔不因漁艇尋源入  
爭識仙家避世來翠雨流雲連玉洞丹霞抱日護瑤臺  
慢亭亦有虹橋約問我京華幾日回

張繼善寄桃源圖因賦詩

明貝瓊

張生愛我桃源圖桃源有路歸何日高堂坐見武陵溪  
犬吠雞鳴猶髣髴雲氣挾山山欲行山窮水濶桃花明  
仙家只在流水外世上無人知姓名一日花間問漁者  
山河百二如崩瓦赤帝西來祖龍死復見同槽有三馬

太康去秦六百秋子孫生長不知憂商顏黃綺亦何事  
白髮出侍東宮游龍爭虎戰俱寂寞絕境空存已非昨  
種桃何必指秦人春到花開又花落

題桃源圖

送人就  
婚新都

明林壁

三百灘聲去路長黃山白嶽絕仙鄉隔溪樹拂張生黛  
出峽風傳荀令香一葉蘭舟屏裏畫千花潭水鏡中妝  
為君細與秦人說今日漁郎勝阮郎

桃源圖

明孫一元

欽定四庫全書

御定歷代題畫詩類  
卷三十一

溪上春風笑語溫溪頭春水漲新痕中原逐鹿人誰是  
桃葉桃花自一却

桃源圖歌

明何景明

昔我游武陵坐石窺花源听圻丹洞闕風迴綠蘿翻崩  
崖奔古月皆嶂響哀猿行車一以過始知人境喧真陽  
仙令欲南往手持新畫來相訪武陵山水久不睹置我  
高堂上巖穴如聞雞犬聲却墟但見桑麻長髣髴潭水  
濱點綴桃花春山川似晋代衣服猶秦人回首茫然一

烟霧尋源誰復知真處投簪福地終有期箇中先認桃  
花樹

桃源圖

明 謝承舉

武陵桃花先破春漁郎偶爾來問津山重水複得雲竇  
風馳浪駛臨溪濱何知卒然入異境人家遠近通芳鄰  
石田茅屋與世隔云是先世來避秦桑麻接地足衣食  
冠裳結伴無疎親我聞嬴氏亂天紀儒坑典焚尤不恤  
大張淫暴戕物類俯視四海皆愚民天生性良天亦恤

欽定四庫全書

御定歷代題畫詩類  
卷三十一

十一

故教善眾藏嶙峋仙邪人邪杏莫測厯世已久跡已陳  
縱然有仙亦常事神仙原是人間人昌黎臨川各云遠  
地下不起黃道真坡翁語破萬世惑千載淵明蘇為申

桃源圖

明 文嘉

偶然避世住青山不道移家便不還却怪漁郎太多事  
又傳圖畫到人間

題桃源圖

明 朱彥昌

當時秦鹿走中原天下紛紛孰可論黔首已沾新雨露

白雲猶隔舊乾坤水流花謝長三月犬吠雞聲自一邨  
我昔荆湖詢往事茫茫烟浪幾黃昏

題桃源圖

明 沈周

啼飢兒女正連邨况有催租吏打門一夜老夫眠不起  
起來尋紙畫桃源

題小桃源圖

明 王世貞

出郭只十里種桃近千樹主人非避秦亦不嫌客顧有  
酒且賞花酒盡應須去試語劉麟之何如此中住

欽定四庫全書

御定歷代題畫詩類  
卷三十一

十二

桃花山水圖

為桃源居  
啟明題

元 納新

天台山下雲無數山南山北多桃樹石洞春寒風雨深  
落花半逐溪流去人間從此識仙家短棹尋源到水涯  
翠裏乘鸞下明月玉槃留客進胡麻我昔捫蘿探幽谷  
青精煮飯松間宿至今矐子有神光細字猶能夜深讀  
高人築屋石溪東谿山却與天台同粉黛含情托幽趣  
碧桃流水春溶溶六月黃塵汗如洗獨騎瘦馬京城裏  
忽見新圖雙眼明桴舟欲汎滄浪水我家只在蒼崖巔

白雲繞屋青溪連他日君能遠相覓看花酌酒春風前

題劉松年桃花山水小幅

明僧麟洲

杳無雞犬有人家夾水山高路不賒劉阮別來頻甲子  
年年春雨送桃花

題徐參議赤壁圖

宋王炎

烏林赤壁事已陳黃州赤壁天下聞東坡居士妙言語  
賦到此翁無古人江流浩浩日東注老日輪困飽烟雨  
雪堂尚在人來黃鵠而今定何許此賦可歌仍可絃

欽定四庫全書

御定歷代題畫詩類  
卷三十一

此畫可與俱流傳沙埋折戟洞庭岸訪古壯懷空黯黯

赤壁風月笛圖

金李純甫

鉦鼓掀天旗脚紅老狐膽落武昌東書生那得麾白羽  
誰識潭潭蓋世雄裕陵果用軾為將黃河倒捲前西戎  
却教載酒月明中船尾嗚嗚一笛風九原喚起周公瑾  
笑煞儂州禿鬚翁

題武元直赤壁圖

金李晏

鼎足分來漢祚移阿瞞曾困火船歸一時豪傑成何事

千里江山半落暉雲破小蟾分樹暗夜深孤鶴掠丹飛  
夢尋仙老經行處只有當年舊釣磯

赤壁圖

元元好問

馬蹄一蹴荆門空鼓聲怒與江流東曹瞞老去不解事  
誤認孫郎作阿琮孫郎矯矯人中龍顧盼叱咤生雲風  
疾雷破山出大火旗幟北捲天為紅至今圖畫見赤壁  
髣髴燒虜留餘蹤令人長憶眉山公載酒夜俯馮夷宮  
事殊興極憂思集天澹雲閒今古同得意江山在眼中

欽定四庫全書

御定歷代題畫詩類  
卷三十一

凡今誰是出羣雄可憐當日周公瑾顚顚黃州一禿翁

後賦赤壁圖

元劉因

公無渡河歸去來周郎袖裏藏風雷老狐千年快一擊  
金眸玉爪不凡材先生平生兩賦爾江山華髮心悠哉  
只今畫裏風月笛尚有老驥西風哀眼中驚波不西歸  
玄鶴夜半從天迴曹劉鬪氣今何處船頭好在白雲堆

題赤壁圖

元戴表元

千載英雄事已休獨餘明月照江流畫圖不盡當年恨

却寫蘇家赤壁游

東坡題赤壁圖

元 王 惲

先生曾次有天游萬里長江一葉舟欲托悲風寫遺響  
恐驚幽壑舞潛蚪

畫赤壁

元 趙孟頫

周郎赤壁走曹公萬里江流鬪雨雄蘇子賦成奇偉甚  
長教人想謫仙風

赤壁圖

元 馬祖常

欽定四庫全書

御定歷代題畫詩類  
卷三十一

三國周郎赤壁西江山雖好夕陽低他年銅雀分香妓  
猶恨回船戰炬迷

赤壁圖

元 虞 集

過鶴生新夢攜魚憶舊游清霜凋木葉落月湧江流隱  
者時堪訪良田亦易求如何玉堂夜白髮不生愁

赤壁圖

元 楊 載

寂寂長江夜同人共泛舟清樽方滄蕩孤棹且夷猶望  
遠幽禽度歌長獨繭抽千年遺蹟在不逐水東流

題赤壁圖

元 成廷珪

赤壁磯頭禿鬚翁興來攜酒泛秋風偶論水月盈虛際  
併入江山感慨中華髮多情傷老大皇天無地着英雄  
神游八極知何許良夜應騎一鶴東

赤壁圖

元 吳師道

沉沙折戟怒濤秋殘壘蒼蒼戰鬪休風火千年消霸氣  
江山一幅挂清愁丈夫不學曹孟德生子當如孫仲謀  
機會難逢形勝在狂歌弔古漫悠悠

欽定四庫全書

御定歷代題畫詩類  
卷三十一

遊赤壁圖

元 吳師道

燒天烈火萬艘空橫槩英雄智力窮何似扁舟今夜客  
洞簫聲在月明中

題赤壁圖

元 王 瓚

我昔南游過赤壁曾上磯頭訪遺蹟吳魏勝負了無聞  
一曲漁歌楚天碧黃岡遷客峨眉翁道同北海人中龍  
罨懷得酒逸興發扁舟夜泛空明中江山如許誰賓主  
醉挾飛仙夢中語直將天地等浮漚三國周郎曾比數

神游八極空畫圖開卷髣髴瞻眉鬚清風千古凜如在  
悠悠目斷江雲孤

題赤壁圖

元 丁鶴年

橫梁吳聲遠聞簫逸興長至今風月夜鶴夢繞黃岡

題赤壁圖

明 吳寬

江流東繞千尺堤山鵲上結危巢棲游人夜半放舟過  
舉酒試說曹征西征西當年下江浙八十萬軍皆貔虎眼中  
見慣劉惔徒吳蜀區區何足數舳艫相銜千里連氣吞

欽定四庫全書

御定歷代題畫詩類  
卷三十一

十一

劉備魚孫權豈知策士已旁笑笑彼遠來非萬全長江  
之險人能共不獨阿瞞兵可弄東吳會獵尺書馳權也  
難將首親送帳底拔刀軍令行如此姦雄安足驚周瑜  
早已借前箸黃蓋何曾論五兵五兵爭如一炬火北軍  
敗走南軍坐紛紛燥荻與枯柴乘取便風纔十舸波濤  
起立半天紅強虜灰飛一夕空平生親手註孫子未信  
水軍能火攻誰云此行纔足耻更聞裹瘡歸滴水玄武  
池頭計已疎銅爵高臺聊自起當今四海如一家三國

爭雄真可嗟尚想綸巾巡壘堞猶將折戟洗泥沙武昌  
夏口東西路畫史分明入毫素空餘赤壁付游人贏得  
坡仙兩篇賦

題戴文進赤壁圖

明 陳煒

元豐有案詩成獄五載南來事遷迓黃岡形勝無處無  
赤壁磯頭山水綠古樹深蟠不老根懸崖瀉下飛來瀑  
白露橫江風氣涼月出東山皎如燭扁舟款乃擊空明  
主賓逸興何當足歌聲上薄斗牛寒玉簫吹起蛟人哭

欽定四庫全書

御定歷代題畫詩類  
卷三十一

十一

此時此景情最融那識深沉與辱榮舊存詞賦未淒涼  
千古虹光耀人目臨安畫史藝無雙貌得生綃橫半幅  
揮毫幾度不成吟祇恐神游笑俚俗絲邈高風何處尋  
漠漠江雲寄遙矚

赤壁圖

明 廖道南

洞庭春水碧連天赤壁仙人夜扣船何處乘槎入牛斗  
直從銀漢泛虹泉

題畫小赤壁圖

有序

明 董其昌

吾松有小赤壁與黃州赤壁大小實相埒不知何  
事辱之為小沈徵士繪圖為茲山解嘲雨中過君  
策齋頭君策方以吳綃點綴泉石有張子淵自白  
岳至攜松蘿茶與畸野鬪勝君策呼酒佐之永日  
無俗子面目君策強余畫為畫此圖并書赤壁詩  
詩書畫皆君策和之沈公緒欲鑄東坡像於赤壁  
山房屬余書大江東去詞鐫於石末句及之然鑄  
東坡何必赤壁陸家畸野合著此公與內史相酬

欽定四庫全書


御定歷代題畫詩類  
卷三十一

十九

也

吾松山有九俱以海為沼東海既以大赤壁何當小風  
穴祕精靈雲門削鬼巧口鼻閭嶙峋鱗甲成天矯而我  
游齊安何繇凌窈窕時平兵氣銷霜落江聲悄迴思平  
原鶴誰是粉榆烏恰似黃池會吳楚爭可了將無山嶽  
靈端受里俗踴歸語東陽生攜笏事幽討石言曾莫逆  
壁觀其枯槁田成琳球賦屋用辛夷棹太守握紅雲冠  
彼山谷好靈蹤儼如舊疣贅忽以澡嘉名公等錫一壺

從余保手寫浪淘沙峨眉雪可埽敢應北山招終事東



欽定四庫全書

御定歷代題畫詩類  
卷三十一

二十

詳校官編修臣吳錫麒

總校官進士臣程嘉謨

校對官主事臣胡子襄

謄錄監生臣韓鉞

御定歷代題畫詩類卷三十一

欽定四庫全書

御定題畫詩類卷三十二目錄

觀蘭亭圖

唐李煥

題汪革工所藏蘭亭圖

元虞集

蘭亭圖

元方幹

方壺山校額圖

明吳寬

項洙處士畫水墨釣臺

唐方干

欽定四庫全書

御定歷代題畫詩類  
卷三十二目錄

觀釣臺畫圖

唐徐凝

題釣臺障子

唐李頻

題伯時畫嚴子陵釣灘

宋黃庭堅

題瑩師釣臺圖

宋陸游

釣臺圖

元程鉅夫

和龍麟洲題黃次翁黃鶴樓圖

元劉詵

題黃鶴樓小景

明廖道南

題黃鶴樓圖

明僧大圭

題竹樓小景

明廖道南

岳陽樓圖

元陳高

題孟珍玉潤畫岳陽樓小景

元楊維禎

小李將軍岳陽樓景

明程敏政

岳陽樓圖

明吳溥

滕王閣圖

元程鉅夫二首

題滕王閣小景

元貢師泰

題滕王閣圖

明廖道南

欽定四庫全書

御定歷代題畫詩類  
卷三十二目錄

觀元丹丘巫山屏風

唐李白

寄巫山圖與林致一喻叔奇

宋王十朋二首

題巫山圖

宋賀鑄

韓無咎檢詳出示陳季陵戶部巫山圖

宋范成大

巫山圖

元劉因

題巫峽圖

元吳澄

盧鴻草堂圖

宋蘇軾

盧鴻嵩山草堂圖

元吳鎮

王維終南草堂 元 吳鎮

題趙祖文盤谷圖 宋 呂居仁

題楊息軒盤谷圖 元 王惲

題盤谷圖 元 劉誥

劉平川盤谷圖 元 貢師泰

題王鵬梅金明池圖 元 鄧文原

金明池圖 元 陳底寶

金明池圖 元 王振朋

欽定四庫全書

御定歷代題畫詩類  
卷三十二 目錄

題金明宴游圖 元 黃潛

題金明池圖 元 錢惟善

謹題王鵬梅金明池圖 元 吳全節

題王鵬梅金明池圖 元 張珪

昆明池圖 元 程鉅夫

柴桑曉色圖 元 吳師道

為凌郡丞題柴桑雅致圖 明 王世貞

題城侍者剡溪圖 宋 陸游

題瑩上人剡溪圖 宋 陸游

與和甫時甫各題畫卷夔分得剡溪圖 宋 姜夔

剡溪圖 明 丘潛

題剡溪障子 明 王世貞

老杜浣花溪圖引 宋 黃庭堅

西塞山圖 元 戴表元

跋藍關圖 元 王惲二首

當塗郡有脫鞞亭以謫仙采石得名乃繪之圖而

欽定四庫全書

御定歷代題畫詩類  
卷三十二 目錄

贊以詩 元 碩裕 寶哈雅

鄭谷圖 元 虞集

首陽山圖 元 范梈

醉翁亭障 元 歐陽玄

汾亭古意圖 元 張礎

題碧山圖 元 金涓

題渭橋圖 明 劉基

題東坡淮口山圖 明 張以寧